

# Nunatta Qitornai

## Inatsisartuni



17. oktober 2019

UKA2019/85

Kalaallit Nunaanni sivisuumik suliffissaaleqisut ornittagassaannik pilersitsisoqarnissaa si-unertaralugu periarfissamik iluaqutaanik aamma ajoqutaanik misissuisoqarnissaannik ukiakkut 2020 saqqummiussaqassasut Naalakkersuisut peqquneqarnissaannik Inatsisartut aalajangi-iffigisassaattut siunnersuut.

(Aleqa Hammond, Nunatta Qitornai)

Ukiuni kingullerni arlalissuanngortuni Naalakkersuisut suliniuteqarsimapput, kommunit peqatigalugit suliffissaaleqinerup nuna tamakkerlugu appartinniarnissaanut. Kisitsisit appariartupiloornerat takugaanni periuseq iluatsissimaqisoq qujanarpoq. Sulilluarnerup inernerri pillugit Naalakkersuisut nersualaaqqaarumavakka.

Taamaakkaluartoq suliffissaaleqineq piffinni nungulluinnaqqavoq, pifiilli ilaanni suli annertulluni. Assiginngiaartorujussuarnik atugassaqarnerup periarfissaqarnerullu tamanna ersersippaa.

Majoriaq kommuninit ingerlanneqartoq atorluarneqaaq aammalu aqqissuussinerup periarfissip-pai inuusuttut meeqqat atuarfiannit ingerlaqqinnej ajortut aammalu allat ilinniagaqarsimanatik suliffissaqarnissamut piareersimanissaannut aqqutissiuussineq. Atorluarneqarnera aaqqisuussineruvoq iluatsittoq, qujanartumik.

Inatsisartut 2018-mi Naalakkersuisut suliakkernikuuaat aaqqissuussinerup nalilersoqqinnissaanut tamannalu Naalakkersuisut suliaraat ataatsimiinnermilu massumanit suli ingerlanerani inatsisartunut saqqummiunneqartussaasoq qilanaaraarput.

Sivisuumik suliffeqarsimanngitsut aammalu suliffeqanngitsut allat tamaasa suliffeqalerlutik eqeersimaartumik inuuneqalernissaannut ikuunnissaq, tapersersuinissaq kajumissuseqalersitsinissarlu Majoriap suliassaani pingaarnersaavoq.

Suleriutsip iluatsittumik ingerlanissa Namminersorlutik Oqartussat kommunillu tamarmik kissaatigisaraat, taamaammat Majoriap neqeroorutaannut tapertassatut aaqissuussisoqarnissaq kommunip kissaatigippagu Majoriap ingerlanneqarneranut angusassanut nutaanut isu-maqatiginninniuteqarsinnaaneq periarfissaavoq, tamannalu qinnuteqarnikkut kissaatigi-neqarsinnaavoq.

Isumaqpugut qanorluunniit aaqqissuussinivut amerlasuut pitsaatigigaluarpata sulilersitsiniar-nermi ingerlatsiniarnitsinni amerlasuut siunnersorneqarnerinnakkut sulilersissinnaanngikkivut. Ajornartorsiutip allamiinnersa isumaqaratta. Inoqateqarpugut sulisinnaanngitsunik, sulileraluarlutik

# Nunatta Qitornai

## Inatsisartuni



suliffimmi pitsaasumik toqqisisimanngisaannartussanik aammalu imminut pilersorniarnerminni iluatsissinnaannngitsunik. Tamanna isumaqarpugut siunnersuinerinnakkut qaangerneqarsinnaannngitsoq. Inuttut atukkat aammalu meeraanermit tujormerujussuartinneqartarsimanerup kingunerisaanik innarlerneqarsimasut amerlaqaat tamannalu suliniarnitsinni eqqaamasuartigu aammalu periuseqarnitsinni eqqaamasuartigu. Kinguaassiuutitigut innarlerneqarsimasut amerlalluinnarneri kisitsisit uppernarsareerpaat, pinngitsooranilu ullumikkut inuppassuit ilinniagaqarniarnissamut aammalu suliffissaqarniarnissamut ajornartorsiuteqarnerat pinngitsoornananani tassunga ataqtiginnera isiginngitsuusaarneqarsinnaannngitsoq isumaqarpugut.

Sulisinnaannngitsutut inissisimasut imaluunniit annertuumik immikkut inuttut ikiorserneqartariaqartut immikkut sammineqartariaqarnerat isumaqarfigaarput. Taakkuupput inuiaqatigiinnut soorunami ilaajumasut, imminut pilersorumasut aammalu allatuulli naleqartutut misigisimasut.

Isumaqarput naapertorlugu inuit ikiorserneqarnissamut immikkut siunnersorneqarneq amingaatigineqarpoq. Assersuutitut taalara kalaallit Qallunaat Nunaanni ilinniagaqartut ukiualuit matuma siorna sooq atuarunnaartarnerinut misissuvigineqarmata paasinarpus ilinniakkatigut imaluunniit qarasarissutsikkut allanut sanilliullugit qaffasissumik inissisimagaluarlutik atuarunnaartarnerannut peqqut ataasisimasoq, tassalu meeraanermik misigisarsimasat oqimaatsut suliarineqarsimangitsut peqqutaallutik inuttut ingerlaniarnermi assut aporfiusartut. Isumaqarpugullu suliniarnitsinni inuttut atukkat ikorsiivigineqartariaqartut tunngavignerullugit ingerlaniarnitsinni aalluttariaqarivut. Ikiuneq aqutissiuussinerlu siunertaqarluartoq inummut sammisoq aqutissiuunniarutsigu allaqquassinnaanngilagut.

Naalakkersuisut Majoriaq pillugit nalilersuinerat qilanaarutigalugu siunnersuut misissuititsiumasoq tapersinngilarput.